

三上文库·中国古代哲学卷 ⑨

韩非子

(下)

冯克利 注释



山东大学出版社

中国古代哲学卷·何明 主编·全十册 ⑩
韩非子(下)·冯克利 注释

三上文库

韩非子

山东大学出版社

《三上文库》 编纂委员会

主 任
冯德英 车吉心

(以下按姓氏笔画为序)

主 编
吴开晋 何 明

编 委	
冯克利	庄德钧
刘乃昌	齐 涛
吴茂泉	吴富恒
何 丽	宋云峰
周立升	孟祥鲁
徐经泽	蒋维崧

目 录

外储说左上第三十二	(1)
外储说左下第三十三	(21)
外储说右上第三十四	(34)
外储说右下第三十五	(50)
难一第三十六	(63)
难二第三十七	(71)
难三第三十八	(78)
难四第三十九	(86)
难势第四十	(91)
问辩第四十一	(95)
问田第四十二	(96)
定法第四十三	(97)
说疑第四十四	(99)

诡使第四十五·····	(106)
六反第四十六·····	(109)
八说第四十七·····	(114)
八经第四十八·····	(120)
五蠹第四十九·····	(126)
显学第五十·····	(136)
忠孝第五十一·····	(142)
人主第五十二·····	(146)
饬令第五十三·····	(147)
心度第五十四·····	(149)
制分第五十五·····	(150)

韩非子(下)

外储说左上第三十二

32·1 一、明主之道，如有若之应密子也^①。明主之听言也，美其辩；其观行也，贤其远。故群臣士民之道言者迂弘，其行身也离世。其说在田鸠对荆王也。故墨子为木鸢，讴癸筑武宫。夫“药酒”“用言”，明君圣主之以独知也。

①本节事例见 32·8～32·13 各节。

32·2 二、人主之听言也，不以功用为的，则说者多“棘刺”、“白马”之说^①；不以仪的为关^②，则射者皆如羿也。人主于说也，皆如燕王学道也；而长说者^③，皆如郑人争年也。是以言有纤察微难而非务也，故李、惠、宋、墨皆画策也；论有迂深阔大，非用也，故畏、震、瞻、车、状皆鬼魅也；言而拂难坚确，非功也，故务、卞、鲍、介、墨翟皆坚瓠也。且虞庆诎匠也而屋坏，范且穷工而弓折。是故求其诚者，非归饷也不可。

①本节事例参下文 32·14～32·27。②仪的：箭靶。③长兑：擅长言说。

32·3 三、挟夫相为则责望^①，自为则事行。故父子或怨谯^②，取庸作者进美羹。说在文公之先宣言，与勾践之称如皇也。故桓公藏蔡怒而攻楚，吴起怀瘳实而吮伤^③。且先王之赋颂、钟鼎之铭，皆播吾之迹、华山之博也。然先王所期者利也，所用者力也；筑社之谚，目辞说也^④。请许学者而行宛曼于先王^⑤，或者不宜今乎！如是不能更也，郑县人得车厄也，卫人佐弋也，卜子妻写弊袴也，而其少者也。先王之言，有所为小而世意之大者，有所为大而世意之小者，未可必知也。说在宋人之解书与梁人之读记也。故先王有郢书，而后世多燕说。夫不适国事而谋先王，皆归取度者也。

①挟夫相为：怀有相互做事的思想。②本节事例见下文32·29～32·47各节。③瘳 chōu：病愈。④目：或为“吕”之误，同“以”。⑤若是同意学者、遵行渺远不可知的先王之道。宛曼，同“汗漫”。

32·4 四、利之所在民归之，名之所彰士死之。是以功外于法而赏加焉，则上不能得所利于下；名外于法而誉加焉，则士劝名而不畜之于君^①。故中章、胥已仕^②，而中牟之民弃田圃而随文学者邑之半，平公腓痛足痹而不敢坏坐，晋国之辞仕托者国之锤^③。此三士者，言袭法，则官府之籍也；行中事^④，则如令之民也，二君之礼太甚。若言离法而行远功，则绳外民也，二君又何礼之？礼之当亡。且居学之士，国无事不用力，有难不被甲。礼之，则惰修耕战之功；不礼，则周主上之法^⑤。国安则尊显，危则为屈公之威^⑥，

人主奚得于居学之士哉？故明王论李疵视中山也。

①畜 xù: 顺服。②本节事例详见下文 32·49～32·52。③托: 依附。④锤: 亦“一半”义。④中 zhòng: 合。⑤周: 歪曲。⑥威: 通“畏”。

32·5 五、《诗》曰：“不躬不亲，庶民不信。”傅说之以“无衣紫”^①，缓之以郑简、宋襄，责之以尊厚耕战。夫不明分，不责诚^②，而以“躬亲”位下，且为“下走”、“睡卧”，与夫“揜弊微服”。孔丘不知，故称“犹孟”；邹君不知，故先自僂。明主之道，如叔向赋猎与昭侯之“奚听”也。

①本节事例见下文 32·54～32·64。②诚：“成”之假借。

32·6 六、小信成则大信立，故明主积于信。赏罚不信，则禁令不行。说在文公之攻原与箕郑救饿也^①。是以吴起须故人而食^②，文侯会虞人而猎。故明主表信，如曾子杀彘也。患在厉王击警鼓与李悝谩两和也。

①本节事例详下文 32·66～32·73。②须：“颀”之借，等待。

32·7 —

32·8 宓子贱治单父，有若见之，曰：“子何驪也？”宓子曰：“君不知贱不肖，使治单父。官事急，心犹之^①，故驪也。”有若曰：“昔者舜鼓五

弦,歌《南风》之诗而天下治。今以单父之细也,治之而忧,治天下将奈何乎?故有术而御之,身坐于庙堂之上,有处女子之色^①,无害于治;无术而御之,身虽瘁臞,犹未有益。”

①犹:同“忧”。②处女子之色:少女一样的容颜。

32·9 楚王谓田鸠曰:“墨子者,显学也。其身体则可^①,其言多而不辩,何也?”曰:“昔秦伯嫁其女于晋公子,令晋为之饰装,从衣文之媵七十人^②。至晋,晋人爱其妾而贱公女。此可谓善嫁妾,而未可谓善嫁女也。楚人有卖其珠于郑者,为木兰之柜,薰以桂椒,缀以珠玉,饰以玫瑰,辑以翡翠。郑人买其椟而还其珠。此可谓善卖椟矣,未可谓善鬻珠也。今世之谈也,皆道辩说文辞之言,人主览其文而忘有用。墨子之说,传先王之道,论圣人之言,以宣告人。若辩其辞,则恐人怀其文忘其直,以文害用也^③。此与楚人鬻珠秦伯嫁女同类,故其言多不辩。”

①身体:身体力行。②从衣文之媵 yìng:跟随她的彩纹锦缎的陪妾。媵:作为陪嫁的人。③直:通“值”。

32·10 墨子为木鸢^①,三年而成,蜚一日而败^②。弟子曰:“先生之巧,至能使木鸢飞。”墨子曰:“吾不如为车輶者巧也^③。用咫尺之木,不费一朝之事,而引三十石之任,致远力多,久于岁数。今我为鸢,三年成,蜚一日而败。”惠子闻之曰:“墨子大巧,巧为輶,拙为鸢。”

①鸢 yuān: 风筝。②蜚 fēi: 同“飞”。③輶 ní: 联固车杠和衡用的销钉。

32·11 宋王与齐仇也，筑武宫。讴癸倡^①，行者止观，筑者不倦。王闻，召而赐之。对曰：“臣师射稽之讴又贤于癸。”王召射稽使之讴，行者不止，筑者知倦。王曰：“行者不止，筑者知倦，其讴不胜如癸美，何也？”对曰：“王试度其功，癸四板^②，射稽八板；撻其坚^③，癸五寸，射稽二寸。”

①讴，歌手；倡同“唱”。②癸四板：癸唱时筑了四板高。按古筑土墙用板，故以板论功。③撻 zhì: 槌。

32·12 夫良药苦于口，而智者劝而饮之，知其入而已己疾也。忠言拂于耳，而明主听之，知其可以致功也。

32·13 二

32·14 宋人有请为燕王以棘刺之端为母猴者，必三月斋然后能观之。燕王因以三乘养之。右御冶工言王曰：“臣闻人主无十日不燕之斋。今知王不能久斋以观无用之器也，故以三月为期。凡刻削者，以其所以削必小。今臣冶人也，无以为之削^①，此不然物也，王必察之。”王因囚而问之，果妄，乃杀之。冶人谓王曰：“计无度量，言炎之士多‘棘刺’之说也。”

①无以为之削：给他做不出这样小的刻刀。

32·15 一曰：燕王好微巧。卫人曰：“能以棘刺之端为母猴。”燕王说之，养之以五乘之奉。王曰：“吾试观客为棘刺之母猴。”客曰：“人主欲观之，必半岁不入宫，不饮酒食肉。雨霁日出，视之晏阴之间^①，而棘刺之母猴乃可见也。”燕王因养卫人，不能观其母猴。郑有台下之冶者谓燕王曰：“臣，为削者也。诸微物必以削削之，而所削必大于削。今棘刺之端不容削锋，难以治棘刺之端。王试客之削，能与不能可知也。”王曰：“善！”谓卫人曰：“客为棘，削之？”曰：“以削。”王曰：“吾欲观见之。”客曰：“臣请之舍取之。”因逃。

①晏阴：晴阴。无云为“晏”。

32·16 兒说，宋人善辩者也，持“白马非马也”，服齐稷下之辩者^①。乘白马而过关，则顾白马之赋^②。故籍之虚辞，则能胜一国；考实按形，不能谩于一人。

①服：说服。②顾白马之赋：为这匹白马交税。

32·17 夫新砥厉杀矢^①，彀弩而射，是冥而妄发，其端未尝不中秋毫也，然而莫能复其处^②，不可谓善射，无常仪的也。设五寸之的，引十步之远，非羿、逢蒙不能必全者，有常仪的也。有度难而无度易也。有常仪的，则羿、蒙以五寸为巧；无常仪的，则以妄发而中秋毫为拙。故无度而应之，则辩士繁说；设度而持之，虽知者犹畏

失也^③，不敢妄言。今人主听说，不应之以度而说其辩^④；不度以功，誉其行而不入关。此人主所以长欺，而说者所以长养也。

①新砥厉杀矢：新磨好的利箭。②复其处：再射中这个地方。③知：同“智”。④说：同“悦”。

32·18 客有教燕王为不死之道者，王使人学之。所使学者未及学而客死，王大怒，诛之。王不知客之欺己，而诛学者之晚也。夫信不然之物而诛无罪之臣，不察之患也。且人所急无如其身，不能自使其无死，安能使王长生哉？

32·19 郑人有相与争年者。一人曰：“吾与尧同年。”其一人曰：“我与黄帝之兄同年。”讼此而不决，以后息者为胜耳^①。

①息：停止。

32·20 客有为周君画荚者^①，三年而成。君观之，与髹荚者同状^②。周君大怒。画荚者曰：“筑十版之墙^③，凿八尺之牖^④，而以日始出时加之其上而观。”周君为之，望见其状尽成龙蛇、禽兽、车马，万物之状备具。周君大悦。此荚之功非不微难也^⑤，然其用与素髹荚同。

①画荚：以荚膜作画。犹今之幻灯片。②髹 xiū：漆。③版：同“板”。④牖 yǒu：墙洞。⑤微难：微妙难成。

32·21 客有为齐王画者，齐王问曰：“画，孰最

难者？”曰：“犬马难。”“孰易者？”曰：“鬼魅最易。”夫犬马，人所知也，旦暮罄于前^①，不可类之^②，故难。鬼神，无形者，不罄于前，故易之也。

①罄：“见”义。②类：大体相似。

32·22 齐有居士田仲者，宋人屈谷见之曰：“谷闻先生之义，不恃仰人而食。今谷有树瓠之道^①，坚如石，厚而无窍，献之。”仲曰：“夫瓠所贵者，谓其可以盛也。今厚而无窍，则不可剖以盛物；而任重如坚石^②，则不可以剖而以斟。吾无以瓠为也。”曰：“然，谷将以欲弃之。”今田仲不恃仰人而食，亦无益人之国，亦坚瓠之类也。

①树瓠：种葫芦。②任重：衍文。

32·23 虞庆为屋，谓匠人曰：“屋太尊^①。”匠人对曰：“此新屋也，涂濡而椽生^②。”虞庆曰：“不然。夫濡涂重而生椽挠，以挠椽任重涂，此宜卑^③。更日久，则涂干而椽燥。涂干则轻，椽燥则直，以直椽任轻涂，此益尊。”匠人诤，为之，而屋坏。

①尊：喻高陡，与下文“卑”对应。②泥还潮湿，椽木也未干透。③卑：低平。

32·24 一曰：虞庆将为屋，匠人曰：“材生而涂濡。夫材生则挠，涂濡则重，以挠任重，今虽成，久必坏。”虞庆曰：“材干则直，涂干则轻。今诚

得干，日以轻直，虽久，必不坏。”匠人诎，作之，成有间，屋果坏。

32·25 范且曰：“弓之折，必于其尽也^①，不于其始也。夫工人张弓也，伏檠三旬而蹈弦^②，一日犯机^③，是节之其始而暴之其尽也，焉得无折？且张弓不然，伏檠一日而蹈弦，三旬而犯机，是暴之其始而节之其尽也。”工人穷也^④，为之，弓折。

①尽：完成之时。②檠 qíng：调弓的器具。③机：扳机。④穷：辞穷。

32·26 范且、虞庆之言，皆文辩辞胜而反事之情。人主说而不禁^①，此所以败也。夫不谋治强之功，而艳乎辩说文丽之声，是却有术之士而任“坏屋”、“折弓”也^②。故人主之于国事也，皆不达乎工匠之构屋张弓也。然而士穷乎范且、虞庆者，为虚辞，其无用而胜；实事，其无易而穷也。人主多无用之辩，而少无易之言，此所以乱也。今世之为范且、虞庆者不辍，而人主说之不止，是贵“败”“折”之类而以知术之人为工匠也。不得施其技巧，故屋坏弓折。知治之人不得行其方术，故国乱而主危。

①说：同“悦”。②却：推却，排斥。

32·27 夫婴儿相与戏也，以尘为饭，以涂为羹，以木为馔^①，然至日晚必归饷者，尘饭涂羹可以戏而不可食也。夫称上古之传颂，辩而不惑^②，

道先王仁义而不能正国者，此亦可以戏而不可以为治也。夫慕仁义而弱乱者，三晋也。不慕而治强者，秦也，然而未帝者，治未毕也。

①截 zì: 大块肉。②慤 què: 朴实。

32·28 三

32·29 人为婴儿也，父母养之简，子长而怨。子盛壮成人，其供养薄，父母怒而诮之。子、父至亲也，而或谯或怨者，皆挟相为而不周于为己也。夫卖庸而播耕者^①，主人费家而美食，调布而求易钱者^②，非爱庸客也，曰：如是，耕者且深，耨者熟耘也^③。庸客致力而疾耘耕者，尽巧而正畦陌者，非爱主人也，曰：如是，羹且美，钱布且易云也。此其养功力，有父子之泽矣，而心调于用者，皆挟自为心也。故人行事施予，以利之为心，则越人易和；以害之为心，则父子离且怨。

①卖：“买”之误。②以布币换好钱的原因。③耨：锄草。

32·30 文公伐宋，乃先宣言曰：“吾闻宋君无道，蔑侮长老，分财不中，教令不信。余来为民诛之。”

32·31 越伐吴，乃先宣言曰：“我闻吴王筑如皇之台，掘深池，罢苦百姓，煎靡财货，以尽民力。余来为民诛之。”

32·32 蔡女为桓公妻，桓公与之乘舟，夫人荡舟^①，桓公大惧，禁之不止，怒而出之。乃且复召之，因复更嫁之。桓公大怒，交伐蔡。仲父谏曰：“夫以寝席之戏，不足以伐人之国，功业不可冀也^②，请无以此为稽也。”桓公不听。仲父曰：“必不得已，楚之菁茅不贡于天子三年矣，君不如举兵为天子伐楚。楚服，因还袭蔡，曰：‘余为天子伐楚，而蔡不以兵听从，遂灭之。’此义于名而利于实，故必有为天子诛之名，而有报讎之实。”

①荡：摇荡。②冀：望。

32·33 吴起为魏将而攻中山。军人有病疽者，吴起跪而自吮其脓。伤者之母立泣，人问曰：“将军于若子如是，尚何为而泣？”对曰：“吴起吮其父之创而父死，今是子又将死也，今吾是以泣。”

32·34 赵主父令工施钩梯而缘播吾^①，刻疏人迹其上^②，广三尺，长五尺，而勒之曰^③：“主父常游于此。”

①缘播吾：攀登播吾山。②刻疏人迹：镂刻上人的脚印。
③勒：刻。

32·35 秦昭王令工施钩梯而上华山，以松柏之心为博^①，箭长八尺^②，棋长八寸，而勒之曰：“昭王尝与天神博于此矣。”

①博：棋局。②箭：骰子。

32·36 文公反国，至河，令笱豆捐之^①，席蓐捐之，手足胼胝面目黧黑者后之^②。咎犯闻之而夜哭。公曰：“寡人出亡二十年，乃今得反国。咎犯闻之不喜而夜哭，意不欲寡人反国耶？”犯对曰：“笱豆，所以食也，席蓐，所以卧也，而君捐之；手足胼胝面目黧黑，劳有功者也，而君后之。今臣有与在后，中不胜其哀，故哭。且臣为君行诈伪以反国者众矣，臣尚自恶也，而况于君？”再拜而辞。文公止之曰：“谚曰：‘筑社者，搗擻而置之^③，端冕而祀之^④。’今子与我取之，而不与我治之；与我置之，而不与我祀之，焉可？”解左骖而盟于河^⑤。

①笱 biān 豆捐：笱豆，古盛食物的器具。捐：扔弃。②胼胝 piánzhì：老茧。③搗擻：揭衣服（无礼之举。）④端冕：黑色的礼衣礼帽，言庄重有礼。⑤解左骖：解开车子左边的马（杀了）。

32·37 郑县人卜子使其妻为袴，其妻问曰：“今袴何如？”夫曰：“象吾故袴。”妻子因毁新，令如故袴。

32·38 郑县人有得车輶者而不知其名，问人曰：“此何种也？”对曰：“此车輶也。”俄又复得一，问人曰：“此是何种也？”对曰：“此车輶也。”问者大怒曰：“曩者曰车輶，今又曰车輶，是何众也？此女欺我也！”遂与之斗。

32·39 卫人有佐弋者^①，鸟至，因先以其褰麾之^②，鸟惊而不射也。